

MISSALE ROMANUM

EX DECRETO
SS. CONCILII TRIDENTINI RESTITUTUM
SUMMORUM PONTIFICUM CURA
RECOGNITUM

EDITIO IUXTA TYPICAM



AD MAIOREM DEI GLORIAM
VITUS
DIVINA MISERATIONE ET SEDIS APOSTOLICÆ GRATIA
EPISCOPUS CURIENSIS
OMNIBUS HAS LITTERAS VISURIS SALUTEM
ET BENEDICTIONEM A DOMINO

Magno cum gaudio orbis terrarum litteras apostolicas motu proprio a Summo Pontifice Benedicto XVI die VII mensis Iulii a. D. MMVII datas, quæ verbis ‚Summorum pontificum‘ incipiunt, recepit, quibus Sua Sanctitas, ut ‚Missale ... Romanum a S. Pio V promulgatum et a B. Ioanne XXIII denuo editum ... ob venerabilem et antiquum eius usum debito gaudeat honore‘, commendat, et ut ‚Missæ Sacrificium iuxta editionem typicam Missalis Romani a B. Ioanne XXIII anno MCMLXII promulgatam et nunquam abrogatam celebrari liceat‘, permittit.

Laudantes ergo et adiuvantes omnia, quæ dignæ decoræque celebrationi Sancti Missæ Sacrificii usu antiquiore faciendæ prodesse possunt, hanc novam editionem cura dilectissimi filii Nostri ac reverendi Martini Ramm FSSP præparatam auctoritate Nostra episcopali ad normam can. 826 § 2 Codicis Iuris Canonici libenter approbamus evulgandique licentiam concedimus. Quæ editio cum editione typica Missalis Romani die XXIII mensis Iunii a. D. MCMLXII a Sacra Rituum Congregatione promulgata plane concordat exceptis iis, quæ mutanda sunt et secundum decretum die XIII mensis Novembris a. D. MCMLXII datum, quod verbis ‚Novis hisce temporibus‘ incipit, et secundum notam Secretariatus Status die IV mensis Februarii a. D. MMVIII editam, qua Summi Pontificis Benedicti XVI novæ regulæ ad Divinam Liturgiam feria sexta in Passione Domini celebrandam spectantes edictæ sunt.

In quorum fidem has Nostras litteras manu Nostra subscriptas atque maiori Nostro sigillo munitas expediri iussimus.

Datum Curiae Rætorum die XXIX mensis Iunii a. D. MMXII in Sollemnitæ SS. Petri et Pauli Apostolorum

+ V. M. J. Mander

RUBRICÆ GENERALES MISSALIS ROMANI

Caput I

NOTIONES ET NORMÆ GENERALES

269. Sacrosanctum Missæ Sacrificium, iuxta canones et rubricas celebratum, est actus cultus publici, nomine Christi et Ecclesiæ Deo redditi. Denominatio proinde «Missæ privatæ» vitetur.

270. Missa cum Officio divino summum totius christiani cultus constituit; Missa proinde per se cum Officio diei concordare debet.

Dantur tamen etiam Missæ extra ordinem Officii, scilicet votivæ aut defunctorum.

271. Missarum species duæ sunt: *Missa in cantu* et *Missa lecta*.

Missa dicitur in cantu, si sacerdos celebrans partes ab ipso iuxta rubricas cantandas revera cantu profert; secus dicitur *lecta*.

Missa in cantu porro, si celebratur cum assistentia ministrorum sacrorum, appellatur *Missa solemnis*; si celebratur absque ministris sacris, vocatur *Missa cantata*.

Missa solemnis demum, quæ ab Episcopo vel ab aliis facultatem habentibus celebratur cum solemnitatibus in libris liturgicis statutis, dicitur *Missa pontificalis*.

272. Missa natura sua postulat, ut omnes adstantes, secundum modum sibi proprium, eidem participant.

Varios autem modos, quibus fideles sacrosancto Missæ Sacrificio actuose participare possunt, ita oportet moderari, ut periculum cuiusvis abusus amoveatur, et præcipuus eiusdem participationis finis obtineatur, plenior scilicet Dei cultus et fidelium ædificatio.

De hac fidelium actuosa participatione fusius actum est in *Instructione de Musica sacra et sacra Liturgia* a S. Rituum Congregatione data die 3 septembris anni 1958.

273. Rubricæ quæ sequuntur valent tam pro Missis in cantu quam pro Missis lectis, nisi aliter expresse caveatur.

Caput II

DE CALENDARIO ADHIBENDO IN MISSÆ CELEBRATIONE

274. Missa dicenda est iuxta calendarium aut ecclesiæ vel oratorii in quo Missa celebratur, aut loci, aut ipsius sacerdotis celebrantis, aut Ecclesiæ universæ, prout infra exponitur.

275. *In ecclesia vel oratorio publico*, quilibet sacerdos, tam diœcesanus quam religiosus, celebrare tenetur iuxta calendarium ipsius ecclesiæ vel oratorii publici.

Idem servetur *in oratorio semipublico principali seminarii*, domus religiosæ, collegii, nosocomii, carceris et similium.

276. *In oratoriis secundariis seminarii*, domus religiosæ, collegii, nosocomii, carceris et similium, quilibet sacerdos sequi potest aut calendarium ipsius oratorii aut proprium.

277. *In oratoriis privatis*, et cum celebrat super altare portatile extra locum sacrum, quilibet sacerdos sequi potest aut calendarium loci (n. 53 a) aut proprium.

278. De festis Patroni principalis nationis, regionis seu provinciæ sive ecclesiasticæ sive civilis, diœcesis, oppidi seu civitatis, necnon de anniversario Dedicationis ecclesiæ cathedralis et aliis festis actu feriatis, si quæ sint, quilibet sacerdos Missam celebrare debet, etiamsi secus calendarium proprium sequi posset.

279. Oratorium fixe constitutum *in navibus* est oratorium publicum; et in eo adhiberi debet calendarium Ecclesiæ universæ. Cum autem quis celebrat extra huiusmodi oratorium, super altare portatile, adhibere potest vel calendarium Ecclesiæ universæ vel calendarium proprium. Idem facere potest qui legitime celebrat in itinere aëreo, fluviali vel viæ ferreæ.

280. In seminariis et collegiis clericorum diœcesanis, Religiosis commissis; necnon in seminariis et collegiis clericorum interdiœcesanis, regionalibus, nationalibus et internationalibus, etiam Religiosis commissis, idem adhibetur calendarium, quod præcipitur pro recitatione divini Officii in communi (nn. 154-155).

281. In collegiis et internationalibus interprovincialibus, nationalibus et internationalibus Religiosorum, adhibendum est calendarium proprium Ordinis seu Congregationis universæ (n. 55), additis tantum festis de quibus n. 57.

282. Calendarium *diœcesanum*, additis festis loci et ecclesiæ vel oratorii propriis, adhiberi debet:

a) in ecclesiis cathedralibus, etsi Religiosis sint commissæ;

b) in ecclesiis et oratoriis propriis cleri diœcesani, etsi chorum Religiosorum adnexum habeant, qui cum ecclesia per crates tantum communicat;

c) in ecclesiis et oratoriis Religiosorum utriusque sexus, qui calendarium proprium non habent, additis tamen festis ipsis propriis et indultis;

d) in ecclesiis et oratoriis Religiosorum, quæ clero diœcesano commissa sunt, aut adnexum habent chorum Canonicorum; non autem si ecclesia vel oratorium alicui sacerdoti in particulari est commissum;

e) in ecclesia et oratorio principali seminarii, etsi Religiosis sit commissum, data tamen facultate addendi festa de quibus n. 154.

283. Calendarium *religiosum*, additis festis de quibus n. 57 atque festis ecclesiæ vel oratorii propriis adhiberi debet:

CALENDARIUM

Cyclus Epact.	L. D.		D. M.	Mensis	Cyclus Epact.	L. D.		D. M.	Mensis
				IANUARIUS					FEBRUARIUS
*	A	Kal.	1	OCTAVA NATIVITATIS DOMINI, I classis	xxix	d	Kal.	1	S. Ignatii Ep. et Mart., III classis
xxix	b	iv	2		xxviii	e	iv	2	In Purificatione B. Mariæ Virg., II classis
xxviii	c	iii	3		xxvii	f	iii	3	Commemoratio S. Blasii Ep. et Mart., Comm.
xxvii	d	Prid.	4		25 xxvi	g	Prid.	4	S. Andreæ Corsini Ep. et Conf., III classis
xxvi	e	Non.	5	Commemoratio S. Telesphori Papæ et Mart., Comm.	xxv xxiv	A	Non.	5	S. Agathæ Virg. et Mart., III classis
25 xxv	f	viii	6	IN EPIPHANIA DOMINI, I classis	xxiii	b	viii	6	S. Titi Ep. et Conf., III classis
xxiv	g	vii	7		xxii	c	vii	7	Commemoratio S. Dorotheæ Virg. et Mart.
xxiii	A	vi	8		xxi	d	vi	8	S. Romualdi Abb., III classis
xxii	b	v	9		xx	e	v	9	S. Ioannis de Matha Conf., III classis
xxi	c	iv	10						S. Cyrilli Ep. Alex., Conf. et Eccl. Doct., III classis
xx	d	iii	11	Commemoratio S. Hygini Papæ et Mart., Comm.	xix	f	iv	10	Commemoratio S. Apolloniæ Virg. et Mart.
xix	e	Prid.	12		xxviii	g	iii	11	S. Scholasticæ Virg., III classis
xxviii	f	Idib.	13	IN COMM. BAPTISMATIS D. N. IESU CHRISTI, II classis	xvii	A	Prid.	12	In Apparitione B. Mariæ Virg. Immaculate, III classis
xvii	g	xix	14	S. Hilarii Ep., Conf. et Eccl. Doct., III classis	xvi	b	Idib.	13	Ss. Septem Fundatorum Ordinis Servorum B. Mariæ Virg., Conf., III classis
xvi	A	xviii	15	Commemoratio S. Felicis Presb. et Mart.	xv	c	xvi	14	Commemoratio S. Valentini Presb. et Mart., Comm.
xv	b	xvii	16	S. Pauli primi Eremitæ, Conf., III classis	xiv	d	xv	15	Commemoratio Ss. Faustini et Iovite Mm., Comm.
xiv	c	xvi	17	Commemoratio S. Mauri Abb.	xiii	e	xiv	16	
xiii	d	xv	18	S. Marcelli I Papæ et Mart., III classis	xii	f	xiii	17	
xii	e	xiv	19	S. Antonii Abb., III classis	xi	g	xii	18	Commemoratio S. Simeonis Ep. et Mart., Comm.
xi	f	xiii	20	Commemoratio S. Priscæ Virg. et Mart., Comm.	x	A	xi	19	
x	g	xii	21	Commemoratio S. Canuti Regis, Mart.	ix	b	x	20	
ix	A	xi	22	Ss. Fabiani Papæ et Sebastiani Mm., III classis	viii	c	ix	21	
viii	b	x	23	S. Agnetis Virg. et Mart., III classis	vii	d	viii	22	Cathedræ S. Petri Ap., II classis
vii	c	ix	24	Ss. Vincentii et Anastasii Mm., III classis	vi	e	vii	23	Commemoratio S. Pauli Ap.
vi	d	viii	25	S. Raymundi de Peñafort Conf., III classis	v	f	vi	24	S. Petri Damiani Ep., Conf. et Eccl. Doct., III classis
v	e	vii	26	Commemoratio S. Emerentianæ Virg. et Mart.	iv	g	v	25	S. Matthiæ Ap., II classis
iv	f	vi	27	S. Timothei Ep. et Mart., III classis	iii	A	iv	26	
iii	g	v	28	In Conversione S. Pauli Ap., III classis	ii	b	iii	27	S. Petri Damiani Ep., Conf. et Eccl. Doct., III classis
ii	A	iv	29	Commemoratio S. Petri Ap.	i	c	Prid.	28	S. Gabrielis a Virgine Perdolente, Conf., III classis
i	b	iii	30	S. Polycarpi Ep. et Mart., III classis					In anno bissextili mensis februius est dierum 29, et festum S. Matthiæ celebratur die 25 februarii ac festum S. Gabrielis a Virg. Perdolente die 28 februarii, et bis dicitur Sexto Kalendas, id est die 24 et die 25; et littera dominicalis, quæ assumpta fuit in mense ianuario, mutetur in præcedentem: ut, si in ianuario littera dominicalis fuerit A, mutetur in præcedentem, quæ est g, etc., et littera f bis servit, 24 et 25.
*	c	Prid.	31	S. Ioannis Chrysostomi Ep., Conf. et Eccl. Doct., III classis					
				S. Petri Nolasci Conf., III classis					
				Commemoratio S. Agnetis Virg. et Mart. secundo					
				S. Francisci Salesii Ep., Conf. et Eccl. Doct., III classis					
				S. Martinæ Virg. et Mart., III classis					
				S. Ioannis Bosco Conf., III classis					
				Dominica inter octavam Nativitatis Domini et Epiphaniam, vel, ea deficiente, die 2 ianuarii: SANCTISSIMI NOMINIS IESU, II classis					
				Dominica I post Epiphaniam: S. FAMILIÆ, IESU, MARIÆ, IOSEPH, II classis					

RITUS SERVANDUS

IN CELEBRATIONE MISSÆ

I - De præparatione sacerdotis celebraturi

Sacerdos Missam celebraturus orationi aliquantulum vacet, precibus inferius positis ad libitum adhibitis. Deinde accedit ad locum in sacristia vel alibi præparatum, ubi paramenta, aliæque ad celebrationem necessaria habentur, accipit missale, perquirat Missam, perlegit, et signacula ordinat ad ea quæ dicturus est. Postea lavat manus, dicens orationem inferius positam. Deinde præparat calicem (qui debet esse vel aureus vel argenteus, aut saltem habere cuppam argenteam intus inauratam, et simul cum patena itidem inaurata, ab Episcopo consecratus), super eius os ponit purificatorium mundum, et super illud patenam cum hostia integra, quam leviter extergit, si opus est, a fragmentis, et eam tegit parva palla linea, tum velo serico; super velo ponit bursam coloris paramentorum intus habentem corporale plicatum, quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum palla benedictum.

2. Quibus ita dispositis, accedit ad paramenta, quæ non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habenti, benedicta; ubi calceatus pedibus, et indutus vestibus sibi convenientibus, quarum exterior saltem talum pedis attingat, induit se, dicens ad singula singulas Orationes inferius positas.

3. Ac primum accipiens amictum circa extremitates et chordulas, osculatur illud in medio, ubi est crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum alba induitur, caput submittens, deinde manicam dexteram brachio dextero, et sinistram sinistro imponens. Albam ipsam corpori adaptat, elevat ante, et a lateribus hinc inde, et cingulo, per ministrum a tergo sibi porrecto, se cingit. Minister elevat albam super cingulum circumcirca, ut honeste pendeat, et tegat vestes; ac eius fimbrias diligenter aptat, ut ad latitudinem digiti, vel circiter, super terram æqualiter fluat. Sacerdos accipit manipulum, osculatur Crucem in medio, et imponit brachio sinistro. Deinde ambabus manibus accipiens stolam, simili modo osculatur, et imponit medium eius collo, ac transversando eam ante pectus in modum crucis, ducit partem a sinistro humero pendentem, ad dexteram, et partem a dextero humero pendentem, ad sinistram. Sicque utramque partem stolæ extremitatibus cinguli hinc inde ipsi cingulo coniungit. Postremo sacerdos accipit planetam et, convenienter, caput tegit.

4. *Si celebrans sit Episcopus, vel Cardinale, vel Abbas habens usum pontificalium, non ducit stolam ante pectus in modum crucis, sed sinit hinc inde utrasque extremitates pendere; et antequam accipiat stolam, accipit parvam crucem pectoralem, quam osculatur, et collo impositam sinit ante pectus chordulis pendere. Manipulum quoque non accipit ante stolam, nisi in Missis defunctorum, sed accipit ad altare, cum in confessione dicit **Indulgentiam**, illumque prius osculatur.*

5. *Si sit Episcopus, vel alius, ut supra, et solemniter celebret, accipit paramenta et alia, ut in Pontificali et Cæremionali.*

II - De ingressu sacerdotis ad altare

Sacerdos, omnibus paramentis indutus, accipit manu sinistra calicem, ut supra præparatum, quem portat elevatum ante pectus, bursam manu dextera super calicem tenens, et facta reverentia Cruci, vel imagini illi, quæ in sacristia erit, accedit ad altare, ministro cum Missali et aliis ad celebrandum necessariis (nisi ante fuerint præparata) præcedente, superpelliceum induto. Procedit autem oculis demissis, incessu gravi, erecto corpore. Si vero contigerit eum transire ante altare maius, faciat ad illud reverentiam. Si ante locum Sacramenti, genuflectat. Si ante altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adoret, nec ante surgat quam celebrans deposuerit calicem super corporale.

2. Cum pervenerit ad altare, stans ante illius infimum gradum, caput detegit, biretum ministro porrigit, et altari, seu imagini Crucifixi desuper positæ, profunde se inclinat. Si autem in eo sit tabernaculum sanctissimi Sacramenti, genuflectens debitam facit reverentiam. Tunc ascendit ad medium altaris, ubi ad latus Evangelii sistit calicem, extrahit corporale de bursa, quod extendit in medio altaris, et super illud calicem velo coopertum collocat, bursam autem ad latus Evangelii. Si in altari paramenta accipit, hoc idem facit antequam descendat ab altari, ut Missam inchoet.

3. Si est consecraturus plures hostias pro Communionem facienda, quæ ob quantitatem super patenam manere non possint, locat eas super corporale ante calicem, aut in aliquo calice consecrato, vel vase mundo benedicto, ponit eas retro post calicem, et alia patena seu palla cooperit.


4. Collocato calice in altari, accedit ad latus Epistolæ, et missale super cussino aperit. Deinde rediens ad medium altaris, facta primum Cruci reverentia, vertens se ad latus Epistolæ, descendit post infimum gradum altaris, ut ibi faciat confessionem.

5. *In Missa solemni Missale apertum super altare, calix vero, et alia necessaria præparentur in credentia cooperta linteo, antequam sacerdos veniat ad altare. Ipse autem procedit cum diacono et subdiacono, qui capite cooperto simul cum eo tenent manus iunctas ante pectus; acolythi vero ante eos deferunt candelabra cum candelis accensis, qua deinde collocantur super credentia: et cum pervenerit ante infimum gradum altaris, ibi medius inter diaconum a dexteris, et subdiaconum a sinistris, antequam ascendat ad altare, facit cum ipsis (ut infra) confessionem.*

6. *In Missa pontificali omnia servantur, ut in Pontificali et Cæremionali romano ordinantur: cuius Pontificalis ordinem Episcopus, sive abbas, ut supra, nunquam pratermittat, quancumque cum diacono et subdiacono paratis celebrat.*

ORDO INCENSATIONIS ALTARIS

iuxta rubricas missalis romani (Ritus servandus in celebratione Missæ, VII, 10; IV 4 et 5)



Si in altari non adsunt reliquiæ, seu imagines Sanctorum, omittitur earum incensatio, quæ indicatur sub numeris 4, 5, 6, 7 (Ritus servandus, IV, 5), et statim incensata cruce (num. 1, 2, 3), proceditur ad incensandum altare per ordinem numerorum 8, 9, etc. ad 29.

PROPRIUM DE TEMPORE

TEMPUS ADVENTUS

DOMINICA PRIMA ADVENTUS

I classis

Statio ad S. Mariam maiorem

Antiphona ad Introitum

Ps. 24, 1-3

AD te levávi ánimam meam: Deus meus, in te confído, non erubéscam: neque irídeant me inimíci mei: étenim univérsi, qui te expéctant, non confundéntur. **Ps. ibid., 4** Vias tuas, Dómine, demónstra mihi: et sémitas tuas édoce me. **℣.** Glória Patri, et Fílio, et Spirítui Sancto. Sicut erat in princípío, et nunc, et semper, et in sácula sæculórum. Amen.

Quo finito, repetitur Ad te levávi usque ad Psalmum.

¶ **Hic modus repetendi antiphonam ad Introitum servatur per totum annum.**

¶ **Non dicitur Glória in excélsis in Missis de Tempore ab hac dominica usque ad vigiliam Nativitatis Domini inclusive.**

Orémus.

Oratio

Excita, quæsumus, Dómine, poténtiam tuam, et veni: ut ab imminéntibus peccatórum nostrórum perículis, te mereámur protegénte éripi, te liberánte salvári: Qui vivis et regnas cum Deo

Patre in unitáte Spíritus Sancti, Deus, per ómnia sácula sæculórum. **℟.** Amen.

Léctio Epístolæ

beáti Pauli Apóstoli ad Romános

Rom. 13, 11-14

Fratres: Sciéntes, quia hora est iam nos de somno súrgere. Nunc enim própior est nostra salus, quam cum credídimus. Nox præcéssit, dies autem appropinquávit. Abiciámus ergo ópera tenebrárum, et induámur arma lucis. Sicut in die honéste ambulémus: non in comessatió nibus et ebrietátibus, non in cubílibus et impudicítiis, non in contenti óne et æmulati óne: sed induímini Dóminum Iesum Christum.

Graduale

Ps. 24, 3 et 4

Univérsi, qui te expéctant, non confundéntur, Dómine. **℣.** Vias tuas, Dómine, notas fac mihi: et sémitas tuas édoce me.

¶ **In feriis Adventus, quando per hebdomadam adhibetur Missa de dominica, non dicitur Allelúia nec versus sequens, sed tantum graduale.**

Allelúia, allelúia. **℣.** **Ps. 84, 8** Osténde nobis, Dómine, misericórdiam tuam: et salutáre tuum da nobis. Allelúia.

✠ Sequéntia sancti Evangélii
secúndum Lucam

Luc. 21, 25-33

In illo témpore: Dixit Iesus discípulis suis: Erunt signa in sole et luna et stellis, et in terris pressúra géntium præ confusióne sónitus maris et flúctuum: arescéntibus homínibus præ timóre et exspectatióne, quæ supervénient univérso orbi: nam virtútes cælórum movebúntur. Et tunc vidébunt Fílium hóminis veniéntem in nube cum potestáte magna et maiestáte. His autem fieri incipiéntibus, respícite et leváte cápita vestra: quóniam appropínquat redemptio vestra. Et dixit illis similitúdinem: Vidéte ficúlneam et omnes árbores: cum producunt iam ex se fructum, scitis, quóniam prope est aestas. Ita et vos, cum vidéritis hæc fieri, scitóte, quóniam prope est regnum Dei. Amen, dico vobis, quia non præteríbit generatio hæc, donec ómnia fiant. Cælum et terra transíbunt: verba autem mea non transíbunt.

Credo, quod dicitur in qualibet dominica, etsi eius Officium alicui festo locum cedat, vel Missa votiva II classis celebretur; non dicitur autem in feriis, quando adhibetur Missa dominicæ præcedentis.

Antiphona ad Offertorium

Ps. 24, 1-3

Ad te levávi ánimam meam: Deus meus, in te confído, non erubescam: neque irrídeant me inimíci mei: étenim univérsi, qui te expéctant, non confundéntur.

Secreta

Hæc sacra nos, Dómine, poténti virtúte mundátos ad suum faciánt purióres veníre princípium. Per Dóminum nostrum Iesum Christum Fílium tuum, qui tecum vivit et regnat.

¶ Præfatio de Sanctissima Trinitate, quæ dicitur tamquam de Tempore in dominicis Adventus et in omnibus dominicis II classis, extra tempus natalicium et paschale; non vero in feriis, quando adhibetur Missa harum dominicarum, sed tunc dicitur præfatio communis.

Antiphona ad Communionem

Ps. 84, 13

Dóminus dabit benignitátem: et terra nostra dabit fructum suum.

Orémus.

Postcommunio

Suscipiámus, Dómine, misericórdiam tuam in médio templi tui: ut reparatiónis nostræ ventúra solémnia cóngruis honóribus præcedámus. Per Dóminum nostrum Iesum Christum Fílium tuum, qui tecum vivit et regnat.

¶ Per totum annum, si dicenda sit infra hebdomadam Missa de feria, adhibetur Missa dominicæ præcedentis, nisi propria Missa assignetur; et similiter sumuntur orationes de dominica, quando de feria, quæ Missam propriam non habeat, facienda sit commemoratio iuxta rubricas.

De feriis Adventus fit commemoratio in omnibus Missis, tam in cantu quam lectis.

Die 1 ianuarii

IN OCTAVA NATIVITATIS DOMINI

I classis

Statio ad S. Mariam trans Tiberim

Antiphona ad Introitum

Is. 9, 6

PUER natus est nobis, et filius datus est nobis: cuius imperium super humerum eius: et vocabitur nomen eius magni consilii Angelus. **Ps. 97, 1** Cantate Dómino canticum novum: quia mirabilia fecit. **℣.** Glória Patri.

Oratio

Deus, qui salutis aeternae, beatae Mariae virginitate fecunda, humano generi praemia praestitisti: tribue, quaesumus; ut ipsam pro nobis intercédere sentiamus, per quam meruimus auctorem vitae suscipere, Dóminum nostrum Iesum Christum Fílium tuum, qui tecum.

Lectio Epistolae
beati Pauli Apóstoli ad Titum

Tit. 2, 11-15

Carissime: Appáruit grátia Dei Salvatoris nostri ómnibus homínibus, erúdiens nos, ut, abnegantes impietatem et saecularia desideria, sóbrie et iuste et pie vivamus in hoc saeculo, exspectantes beatam spem et advéntum glóriæ magni Dei et Salvatoris nostri Iesu Christi: qui dedit semetipsum pro nobis: ut nos redimeret

ab omni iniquitate, et mundaret sibi populum acceptabilem, sectatorem bonorum operum. Hæc loquere et exhortare: in Christo Iesu, Dómino nostro.

Graduale

Ps. 97, 3-4 et 2

Viderunt omnes fines terræ salutare Dei nostri: iubilare Deo, omnis terra. **℣.** Notum fecit Dóminus salutare suum: ante conspectum gentium revelavit iustitiam suam.

Allelúia, allelúia. **℣.** **Hebr. 1, 1-2** Multifarie olim Deus loquens patribus in Prophétis, novissime diébus istis locutus est nobis in Fílio. Allelúia.

✠ Sequéntia sancti Evangélii
secúndum Lucam

Luc. 2, 21

In illo tempore: Postquam consummati sunt dies octo, ut circumcideretur Puer: vocatum est nomen eius Iesus, quod vocatum est ab Angelo, priusquam in útero conciperetur. Credo.

Antiphona ad Offertorium

Ps. 88, 12 et 15

Tui sunt cæli, et tua est terra: orbem terrarum et plenitudinem eius tu fundasti: iustitia et iudicium præparatio sedis tuæ.

solus incipit antiphonam *Ecce lignum Crucis*, ac deinceps iuvatur in cantu a ministris sacris, usque ad *Veníte, adorémus*, quod cantatur a schola, comitantibus omnibus adstantibus.

Cantu finito, omnes in genua se prosternunt, celebrante excepto, et parvo momento in silentio adorant.

Deinde celebrans ascendit altare in latere Epistolæ, et detegit brachium dextrum Crucifixi; tunc elevans Crucem paulisper, adiuvantibus, si opus sit, ministris sacris, altius quam primo cantat iterum *Ecce lignum Crucis*, aliis

prosequentibus, et, post cantum, procumbentibus, ut supra.

Denique celebrans procedit ad medium altaris, et detegit Crucem totaliter, ac elevans eam, tertio altius incipit *Ecce lignum Crucis*, aliis, ut supra, prosequentibus, et post cantum adorantibus.

Duo autem acolythi, *seu ministrantes*, cum candelabris accensis comitantur Crucem, a dextris et a sinistris celebrantis.

16 a. *Celebrans, in detegenda sancta Cruce, adiuvatur a ministrantibus; antiphonam vero Ecce lignum Crucis, usque ad Veníte, adorémus, cantat solus.*

ANTIPHONA AD DETEGENDAM S. CRUCEM

The image shows three staves of musical notation in a square-note style. The first staff contains the melody for the words 'Ec-ce lig-num Cru-cis, in quo sa-lus mun-di'. The second staff continues with 'pe-pén-dit'. The third staff shows the continuation of the melody, ending with a double bar line. The lyrics are written below the notes.

Omnes: *R̄* Ve- ní- te, ad- o- ré- mus.

17. Post detectionem Crucis sequitur eiusdem solemnior adoratio, hoc modo: Crux, postquam detecta fuerit, traditur a celebrante duobus acolythis, *vel ministrantibus*, qui stantes in suppedaneo, ante

medium altaris, et facie ad populum versa, eam hinc inde ita per brachia sustentant, ut pes Crucis super suppedaneum consistat. Alii vero duo acolythi, *vel ministrantes*, qui candelabra accensa gestabant,

DE BENEDICTIONE
CEREI PASCHALIS

5. Novo igne benedicto, acolythus, seu unus ministrantium, portat cereum paschalem in medium, ante celebrantem, qui cum stilo, inter extrema foramina ad insertionem granorum incensi destinata, incidit crucem. Deinde facit super eam litteram græcam Alpha, subtus vero litteram Omega, et inter brachia crucis quatuor numeros exprimentes annum currentem, interim dicens:

(1) Christus heri et hódie (incidit hastam erectam),

(2) Princípium et Finis (incidit hastam transversam),

(3) Alpha (incidit supra hastam erectam litteram A)


(4) et Omega (incidit subtus hastam erectam litteram Ω);

(5) Ipsius sunt témpora (incidit primum numerum anni currentis in angulo sinistro superiore crucis)

(6) et sæcula (incidit secundum numerum anni currentis in angulo dextro superiore crucis);

(7) Ipsi glória et impérium (incidit tertium numerum anni currentis in angulo sinistro inferiore crucis)

(8) per univérſa æternitátis sæcula. Amen (incidit quartum numerum anni currentis in angulo dextro inferiore crucis).



6. Incisione crucis et aliorum signorum, quæ coloribus vel alio modo antea præparari possunt, peracta, diaconus, seu alius ministrantium, præbet celebranti grana incensi, quæ idem celebrans, si non sunt benedicta, ter aspergit et ter adolet incenso, nihil dicens. Deinde infigit quinque grana in foramina, interim dicens:

(1) Per sua sancta vúlnera

(2) gloriósa

(3) custódiat

(4) et consérvet nos


(5) Christus Dóminus. Amen.




7. Tum diaconus, seu unus ministrantium porrigit celebranti parvam candelam, de novo igne accensam, qua cereum accendit, dicens:

Lumen Christi glorióse resurgéntis díssipet ténebras cordis et mentis.


PRÆCONIUM PASCHALE



Ex-súl-tet iam An-gé-li-ca tur-ba cæ-ló-rum: exsúl-tent di-ví-na



mysté-ri-a: et pro tan-ti Re-gis vic-tóri-a tu-ba ín-so-net




sa-lu-tá-ris. Gáu-de-at et tel-lus tantis ir-ra-di-á-ta




fulgó-ri-bus: et æ-térni Re-gis splen-dó-re il-lustrá-ta, to-tí-us




orbis se sén-ti-at a-mi-sís-se ca-lí-gi-nem. Læ-té-tur et



ma-ter Ecclé-si-a, tan-ti lú-mi-nis ad-or-ná-ta ful-gó-ri-bus:



et mag-nis po-pu-ló-rum vó-ci-bus hæc au-la re-súl-tet.




Qua-próp-ter adstán-tes vos, fra-tres ca-rís-si-mi, ad tam mi-ram

PRÆFATIONES IN TONO FERIALI


PRÆFATIO DE NATIVITATE DOMINI




Per óm-ni- a sáe-cu-la sæ-cu-ló-rum. R̅. A-men.



V̅. Dó-mi-nus vo-bís-cum. R̅. Et cum spí-ri-tu tu- o.




V̅. Sur-sum cor-da. R̅. Ha-bé-mus ad Dó-mi-num.




V̅. Grá-ti- as a-gá-mus Dómi-no, De-o nostro.



R̅. Dignum et iustum est.



Ve-re dig-num et iustum est, æ-quum et sa-lu-tá-re, nos ti-bi



semper et u-bí-que grá-ti- as á-ge-re: Dómi-ne, sanc-te Pa-ter,

PRÆFATIO COMMUNIS

℣. Per ómnia sæcula sæculórum. ℞. Amen.

℣. Dóminus vobíscum. ℞. Et cum spíritu tuo.

℣. Sursum corda. ℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre, nos tibi semper et ubíque grátias ágere: Dómine, sancte Pater, omnípotens ætérne Deus: per Christum Dóminum nostrum. Per quem maiestátem tuam laudant Angeli, adórant Dominatiónes, tremunt Potestátes. Cæli cælorúmque Virtútes ac beáta Séraphim sócia exsultatióne concélebrant. Cum quibus et nostras voces ut admítte iúbeas, deprecámur, súpplíci confes-sióne dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus, qui venit in nómine Dómini.


Hosánna in excélsis.

PRÆFATIONES IN TONO SOLEMNI


PRÆFATIO DE ADVENTU



Per óm-ni- a sæ-cu-la sæ-cu-ló-rum. **R̄.** A-men.




V̄. Dó-mi-nus vo-bís-cum. **R̄.** Et cum spí-ri-tu tu- o.




V̄. Sur-sum cor-da. **R̄.** Ha-bé-mus ad Dó-mi-num.




V̄. Grá-ti- as a-gá-mus Dó-mi-no, De- o nostro.




R̄. Dig-num et iustum est.



Ve-re dig-num et iustum est, æ-quum et sa-lu-tá-re, nos ti-bi



semper et u-bí-que grá-ti- as á-gre-re: Dómi-ne, sanc-te Pa-ter,



omní-po-tens æ-tér-ne De- us: per Christum Dó-mi-num nostrum.

CANON MISSÆ

Te ígitur, clementíssime Pater, per Iesum Christum, Fílium tuum, Dóminum nostrum, súpplīces rogámus, ac pétimus, **osculatur altare et, iunctis manibus ante pectus, dicit:** uti accépta hábeas et benedícas, **signat ter super hostiam et calicem simul, dicens:** hæc ✠ dona, hæc ✠ múnera, hæc ✠ sancta sacrificia illibáta, **extensis manibus prosequitur:** in primis, quæ tibi offérimus pro Ecclésia tua sancta cathólica: quam pacificáre, custodíre, adunáre et régere dignéris toto orbe terrarum: una cum fámulo tuo Papa nostro **N.** et Antístite nostro **N.** et ómnibus ortho-

dóxis, atque cathólicæ et apostólicæ fidei cultóribus.

Commemoratio pro vivis

Meménto, Dómine, famulórum famularúmque tuárum **N.** et **N.** iungit manus, orat aliquantulum **pro quibus orare intendit: deinde manibus extensis prosequitur:** et ómnium circumstántium, quorum tibi fides cógnita est et nota devótio, pro quibus tibi offérimus: vel qui tibi ófferunt hoc sacrificium laudis, pro se suisque ómnibus: pro redemptione animárum suárum, pro spe salutis et incolumitátis suæ: tibi que reddunt vota sua ætérno Deo, vivo et vero.

¶ **Per annum ut infra** 470. ✠

Missæ IX et X In festis beatæ Mariæ Virginis 1 et 2


I



I- te, mis-sa est.

Missæ XI In dominicis per annum et tempore Septuagesimæ


I



I- te, mis- sa est.

Missæ XII In festis III classis 1


VIII



I- te, mis-sa est.

In dominicis tempore Adventus, Quadragesimæ et Passionis, in Missis de commemoratione in Officio occurrente, in omnibus feriis extra tempus paschale, in vigiliis II et III classis et in Missa Rogationum.

IV




I- te, mis-sa est.

Hic tonus adhiberi potest ad libitum in omnibus Missis in quibus cantatur *Ite, missa est sine Allelúia.*

Quando post Missam sequitur aliqua processio, loco *Ite, missa est,* cantatur:

V



Be-ne-di-cá-mus Dó- mi-no.

Die 22 februarii
CATHEDRÆ
S. PETRI APOSTOLI
II classis

Antiphona ad Introitum
Eccli. 45, 30

STATUIT ei Dóminus testaméntum pacis, et príncipem fecit eum: ut sit illi sacerdotii dignitas in ætérnum. **Ps. 131, 1** Meménto, Dómine, David: et omnis mansuetúdinis eius. **℣.** Glória Patri.

Oratio

Deus, qui beáto Petro Apóstolo tuo, collátis clávis regni cæléstis, ligándi atque solvéndi pontificium tradidisti: concéde; ut, intercessiónis eius auxilió, a peccatórum nostrórum néxibus liberémur.

Et fit commemoratio S. Pauli Apostoli sub unica conclusione:

Oratio

Deus, qui multitudínem géntium beáti Pauli Apóstoli prædicatióne docuisti: da nobis, quæsumus; ut, cuius commemoratiónem cólimus, eius apud te patrocínia sentiámus. Per Dóminum.

Deinde, tempore quadragesimali, fit commemoratio feríæ.

Léctio Epístolæ
beáti Petri Apóstoli
1 Petri 1, 1-7

Petrus, Apóstolus Iesu Christi, eléctis ádvenis dispersiónis Ponti, Galátia, Cappadóciæ, Asiæ

et Bithýniæ secúndum præsciéntiam Dei Patris, in sanctificatió-nem Spíritus, in oboediéntiam, et aspersionem sán-guinis Iesu Christi: grátia vobis et pax multiplicétur. Benedictus Deus et Pater Dómini nostri Iesu Christi, qui secúndum misericórdiam suam magnam regenerávit nos in spem vivam, per resurrectionem Iesu Christi ex mórtuis, in hereditátem incorruptibilem et incontaminátam et immarcescibilem, conservátam in cælis in vobis, qui in virtúte Dei custodímmini per fidem in salutem, parátam revelári in témpore novíssimo. In quo exsultábitis, módicum nunc si opórtet contristári in váriis tentatió-nibus: ut probátio vestræ fidei multo pretiósior auro (quod per ignem probá-tur) inveniátur in laudem et glóriam et honórem, in revelatióne Iesu Christi, Dómini nostri.

Graduale **Ps. 106, 32 et 31**
Exáltent eum in Ecclésia plebis: et in cáthedra seniórum laudent eum. **℣.** Confiteántur Dómino misericórdiæ eius, et mirábilia eius filiis hóminum.

Tractus **Matth. 16, 18-19**
Tu es Petrus, et super hanc petram ædificábo Ecclésiam meam. **℣.** Et portæ ínferi non prævalébunt advérsus eam: et tibi dabo claves regni cælórum. **℣.** Quodcúmque ligáveris super terram, erit ligátum et in cælis. **℣.** Et quodcúmque sólveris super terram, erit solútum et in cælis.